

持人菩薩所問經卷第一

方一

西晉三歲法師竺法護譯

陰種諸入以了道慧四事品第一

聞如是一時佛遊王舍城迦隣竹園中與大比丘衆千二百五十菩薩不可計一切大聖神通已達辯才無礙慧不可量諸根寂定見

一切本應病與藥糜不蒙濟爲法橋梁度脫三界余時世尊與無央數百千之衆眷屬圍旋而爲說經時持人菩薩即從座起正服長跪前問佛言菩薩何行建立誓願無限功勳曉了諸法分別一切諸度無極識解無量方便善權弘持要慧被不可喻戒德大鎧真正道義爲衆生願弘恩仁慈覆如虛空不可測度其心清淨德行具足布施持戒忍辱精進一心智慧普度無極若有衆生欲奉斯業殊特之原無上大道今故爲斯如此等類啓問如來菩薩大士諮問如來言教處所周旋三界所行備悉勤修禁戒無所志講奉清淨行

遊居成辦遵無極慧無量方便隨時開化爲此衆生有心存法不能自達故問如來何謂菩薩曉了諸法能以隨時爲人班宣其心堅強力念不忘致微妙慧解一切法章句義理所生之處常識宿命不中忽忘至成無上正真之道爲最正覺佛言善哉善哉持人菩薩多所哀念多所安隱愍傷諸天及十方人乃爲一切諮詢如來如斯要義功勳之德不可盡極沫一切疑猶豫羅網以大弘慈加於衆生顯示大明現在將來諸菩薩施行無蓋哀愍開發化濟衆厄令得自歸使度彼我拔濟欲開發化濟衆厄令得自歸使度彼我拔濟衆生不墮三惡勤苦之獄乃以勸之使立大道無上正真欲脫衆生生老病死啼哭之惱憂困之患使長安隱將來最後末世流布正法消伏恐畏令無所懼諦聽諦聽善思念之持人菩薩與諸大衆受教而聽佛語持人菩薩有四事義觀其言教曉了諸法能以隨時

爲人班宣何謂爲四心念成就逮致正真志存道法未曾忽忘性行柔和庠序仁慈其心所興與衆殊異是爲四復有四事何謂爲四分別道義決諸種姓曉了衆行義理所趣宣布一切諸法至要達諸法本隨而開度是爲四復有四事何謂爲四解無央數所行諸法^方以行超越暢無量法所當應宜剖判所行無底功勳識別諸法因斷諸習是爲四復有四事何等爲四因其正行遠無上正真之道疾具足成道行之法三十七品通達諸法自然復有四事何謂爲四心離穢垢不懷慳嫉以

是恩仁攝衆生類其戒清淨所行鮮明常奉精進未曾懈廢勤修清淨建立成就曉了順行專思道業是爲四復有四業何謂爲四志性清淨所願鮮明所行功德至德清淨忍辱仁和建立雅妙以逮顯明無所不照分別經義暢入道門是爲四復有四業何謂爲四夙

夜勤修求一切智志存一心定意正受曉了慧門奉于大哀無極之慈喜護濟厄逮致深有四業何謂爲四遵承智慧所行具足聖明清淨志願弘大愛樂至德無所墨礙慧心有普未曾捨行是爲四復有四事察言觀義心

摶堅固何謂爲四其意堅強所求具足性行安詳所思備悉其行究竟不斷道念修四意止成就雅德是爲四復有四事察言觀義志存堅固何謂爲四意以德立心念佛道業品之法三十有七意根通利曉了往宿無央數劫所生之處意以平正聖慧清淨無能毀斷

疾成佛道攝取至真佛一切智是爲四復有四事何謂爲四察識方便慕具慧義曉了勤修顯真諦慧緣是親近得至佛道所行精進未嘗忽忘是爲四復有四事志性堅固何謂爲四常奉精進不遠佛道志性安和能制其

常應經義不違佛教是爲四復有四事志性堅固何謂爲四立清淨戒所行無穢去五陰蓋不爲所蔽心無所著未曾懈廢蠲除衆罪所滅塵勞是爲四復有四事志性堅固何謂爲四心不憒亂求正真法方便安心順一切法曉了隨時不失儀節所生之處不貪家業志存沙門是爲四復有四事志性堅固何謂爲四常親善友遠惡知識志慕深法未曾放逸歸命諸佛諸菩薩俱諮詢禁戒曉了諸觀是爲四復有四事觀義察言普解法句何謂爲四逮衆方便了諸道業解諸法門因緣報應志上慧義分別佛道解暢諸法章句所趣是爲四菩薩復有四事觀義察言曉了分別諸法章句何謂爲四解暢宣布真實言教敷演諸法無所不達剖判諸法方便具足明知諸義本所從習是爲四復有四事觀義察言何謂爲四奉行聖慧分別道業逮得勢力宣布諸法速成佛道清淨之慧明度無極普以

備足是爲四復有四事分別諸法何謂爲四曉了所習精進修行消滅因緣靡所不了因其逮得應得之力隨時勤修奉受正典是爲四復有四事分別諸法何謂爲四曉了萬物一切無常分別萬物本因所習精練諸物皆歸滅盡解知無常便修道業八正真元是爲

四復有四事分別諸法何謂爲四曉了衆行合會諸習分別一切滅盡諸習逮得因緣無極大力方便斷別合散之行是爲四復有四事分別諸法何謂爲四解暢諸義言辭所趣曉了衆義不從他受敷演諸法一切衆相慧印之元令一切法立無相慧是爲四復有四

持人菩薩所問經
事所生之處常識宿命心念不忘至成無上正真之意何謂爲四諸根明利暢善惡法以了他人意念是非一切陰蓋咸得休息所生之處常念不忘存在無上正真之道是爲四復有四事心念不忘至成正覺何謂爲四常行定志曉習方便智慧道暢明慧爲首明所

行觀無所不覩分別道慧光明遠照是爲四復有四事心念不忘至最正覺何謂爲四逮得總持無所生慧以得超越永盡聖慧以消滅慧觀于三界以無底慧覩見三世是爲四復有四事所生之處常識宿命無能亂者至成正覺何謂爲四以斷結著莫能亂者口之所言未曾闕漏皆達一切諸所有業悉是無爲逮得佛行無極大道是爲四佛於是頌曰其心念成就 志性常明了 未曾忘法由是致正覺 晓了一切法 柔和行仁慈 以達諸法無 解無央數行 遵承真智慧 聖達已具足 去心之穢垢 未曾懷嫉妬 方便以隨時 分別無上慧 志願甚弘大 乃至最正覺 其意得自在 道品三十七 心根以通達 識宿無數劫 知苦所由生 習因本根元 一切所有盡 解之悉本無 以菩薩正法 開化三界厄 使諸無明者 皆通無上道

佛告持人菩薩有五事行清淨力逮斯德句何謂爲五以仁和性奉淨慧力所願清淨聖明慧力德本清淨道力無量所誓清淨則是慧力休息罪業慧力清淨是爲五清淨慧力復有五事何謂爲五其力以暢威儀禮節斯念成就清淨慧力善權方便曉無穢力爲衆生故聖力解明以通達力勤修瑞應是爲五復有五事清淨慧力逮是一切功勲之業何謂爲五布施清淨則謂慧力救攝衆生則清淨力建立大慈則淨慧力心懷大哀則淨慧力以無極喜護淨慧力是爲五復有五事爲清淨力逮是功勲何謂爲五其戒清淨成無權慧以戒禁行救濟慧行以忍清淨莫能懷恨以淨慧力救濟無勢博聞清淨力靡不通是爲五復有五事具諸功勲何謂爲五以精進行志性慧力以能勤修應清淨慧一心慧力疾得定意了禪定慧以寂然淨察三界空是爲五復有五事逮是功勲何謂爲五智慧

清淨傳聞無狀以見世力得度世力強而有勢救脫劣弱以聖明力曉了清淨以淨慧力暢達有無生死無爲是爲五復有五事成聖明力逮是功勳何謂爲五以承智力剖判諸觀以曉了力究竟本淨慧明解脫以成聖力盡無生慧致于道力以一相慧自然清淨用

智力察所有本淨是爲五佛告持人菩薩大士常當奉行如是比像清淨之法佛於是頌曰五力無能當 乃致清淨慧 五陰蓋消除神通自然成 布施持戒心 精進一心慧六度本無形 行者空有名 道行爲一切諸有不達者 解三界猶幻 乃至無生死

佛告持人菩薩大士有三事法雖在盛色以法淨力常勤修慧何謂爲三好樂道法精進不倦行無放逸是爲三復有三事在於色法精進者無放逸本成就諸法以是清淨逮致道力速成精進一切愍慧行不迴轉以不迴

轉究暢道法成就功德已成功勳疾逮諸法通達慧力以逮是者則世衆祐便致暢畢無導之德乃行如來逮得聖慧觀如來不以證明如來道慧佛告持人佛往宿世行菩薩業無央數劫爲證光佛所見授決最後究竟逮如是像清淨慧力所度無極若有菩薩致是慧者便轉法輪我亦如今所轉法輪暢師子吼亦復若斯以致斯慧便於諸法而得自在已得自在便成大道若欲逮是無極道慧當學是法亦不復久當疾得佛無極正覺妙慧超王佛品第二

佛告持人乃往過去久遠世時無央數劫不可稱限越是無量余時有佛號妙慧超王如來至真等正覺明行成爲善逝世間解無上士道法御天人師爲佛世尊其佛世時諸聲聞衆不可計數其諸菩薩無央數會皆是其佛本學道時至願所致佛國清淨功德巍巍其佛國土無三惡道趣八難之處衆生安隱

福同快樂皆離貪欲除去五蓋如是比像無
世俗義惟以道品而相娛樂以四禪定而行
正受佛言持人其妙慧超王如來壽八十億
垓百千劫其國土人壽三十億垓當尔世時
無有國王典制萬民惟以妙慧超王如來至
真爲法王咸共稱曰無上道王其妙慧超王

方一十松

如來至真諸菩薩衆能爲一切普波疑網多
所歡悅班宣菩薩無極法藏時諸菩薩聞佛
所說如是比像清淨法力五百菩薩一心精
進夙夜懃懃不想念坐不求食盡其形壽
不念服飾惟念至真無極道王思是像法清
淨法力以是一心德本所致於彼壽終生於
東方去是佛土八千億國適生未久亦逮此
法識念不忘悉見宿命數哲聰明諸根通達
無所不覩探古知今又其佛土佛号無量華
王講說經法是五百人生彼佛土尋時其身
年如十六即報父母出家捐業行作沙門淨
修梵行在其佛所奉行精進六十億歲佛語

持人於彼世時五百菩薩如是比像值見諸
佛二十有億普在其所夙夜精進妙慧超王
如來至真使五百人於萬劫中值二萬佛而
授其決當逮無上正真之道以億万劫供養
奉事二萬佛訖是五百人皆同一劫次第成
佛是故持人菩薩大十速欲逮成無上正真
爲最正覺當精進學如是比像清淨慧力經
典之要夙夜勤修勿得懈廢爲放逸行所以
者何諸佛本學皆由精進無逸爲本致最正
覺普具道品佛皆識念徃昔古世精進如是
見十一億諸佛世尊所生之處當得意力探
古知今無所不通各各識知一切宿命如近
不遠悉覩見之皆由精進學是法故無放逸
行夙夜勤修未曾懈廢爾時世尊以無極慈
興大悲哀觀于四方即如其像三昧正受化
現諸佛周遍三千大千世界各爲衆生班宣
經道決諸狐疑聞者開解莫不歡悅復重爲
演菩薩法藏爾時世尊尋現神足顯其威德

使竹園中諸會菩薩皆見十方諸佛如來在其世界敷演經法時諸菩薩各從座起叉手自歸爲佛作禮各自歎曰至未曾有諸佛世尊威德聖慧不可思議道法超殊巍巍無量猶如虛空不可攀逮時佛即告諸菩薩曰是不爲難如來至真不可限喻所以者何族姓

子解諸法界無所不達所解法界如來至真其一毛德神足變化不可稱限光明普照江河沙等十方世界其光明中各演音聲班宣經道其一毛孔億百千垓神足變化不足爲難所以者何如來至真神足功勳不可限量

巍巍如是又族姓子如來至真見衆生心以愛若見衆生在於厄難勤苦之患無救護者心懷恐懼墮於惡趣願生彼土導利衆生救濟衆厄令人正道如來至真德不可量如空無侶勇猛獨步度脫十方是佛往昔過去世時本願清淨今有信樂是無量法深妙之義

愛喜受持皆往古昔曾見被訓故今信喜現

百歲或長或短五者小劫轉盡三災當起無不被害若有在此五濁惡世能信樂是如斯像法深妙道義有一人好能受如此佛正真慧是爲甚難至未曾有何況信樂如來所行而受持平族姓子佛從往古無央數劫被大德鎧長夜遵習如是像法精進忍辱仁慈博

子解諸法界無所不達所解法界如來至真其一毛德神足變化不可稱限光明普照江河沙等十方世界其光明中各演音聲班宣經道其一毛孔億百千垓神足變化不足爲難所以者何如來至真神足功勳不可限量

巍巍如是又族姓子如來至真見衆生心以愛若見衆生在於厄難勤苦之患無救護者心懷恐懼墮於惡趣願生彼土導利衆生救濟衆厄令人正道如來至真德不可量如空無侶勇猛獨步度脫十方是佛往昔過去世時本願清淨今有信樂是無量法深妙之義

愛喜受持皆往古昔曾見被訓故今信喜現

爲說法少有信樂如是像法精進勤修志樂慕求是無量法亦復希有所以者何如來今興在五濁世何謂五濁一者人多弊惡不識義理二者六十二疑邪見強盛不受道教三者人多愛欲塵勞興隆不知去就四者人壽命短往古世時八万四千歲以爲甚損今壽

人少有信樂於斯如來所顯如來十力四無所畏十八不共諸佛之法空無之慧希有好喜入斯法者若有入斯皆是如來威德所致神足變化勇猛功勳佛以慧力善權方便長夜開化勤修不懈皆由往宿矜持一心不捨此法常行大慈修無蓋哀大喜大護救濟衆

生又族姓子諸菩薩學少有愍念於五濁世成最正覺爲諸衆生在五濁世開導大難亦復希有如吾於今所立教訓所以者何往古宿命通大精進積功累德每生自剋布施頭目肌肉臍體妻子國邑群從車乘無所愛惜不計身命無所貪慕三界無怙惟道可恃以無極力行權方便開化衆生能成無上正真之道佛悉憶念往宿世時一日之中所施無量并慧身命無所愛惜皆由愍念衆生之故開化盲冥令見道明亦識往宿無數世時見飢饉者無有飲食供養之具可用施者割已肌肉煮之炙之持用授之不以作患心不懷恨惟行大哀愍傷衆生奉無極慈以是之故當作斯觀遵修如是通大精進開化衆生如斯精進積累功德逮致無上正真之道是故諸人諸族姓子勤學如是微妙精進以習如是無極道法亦當如我往昔所行菩薩之業開化衆生如是無異班宣經道亦如我今有

上正真道爲最正覺臨滅度時所度無量若有能遵如是精進應如至教而不懈廢取如芥子佛之舍利建立塔寺皆當得佛滅度之業所以者何佛興愍哀爲諸將來衆菩薩施本爲菩薩行佛道時曾所訓誨由是緣故顯示大道又復慈悲墮八難者故興大哀普布舍利若取舍利大如芥子建立塔寺面見如來手自供養滅度後自覩其舍利心懷悅豫所立地處以是地施於佛舍利而興塔寺隨心所願興于大哀本宿命時行菩薩法等心衆生誓願所致舍利徧流佛所積功累德光光不可限量巍巍如是愍念衆生興于大哀

最後末世立無極慈加於一切若有菩薩愛是像法好喜慕樂勤修精進而不放逸用至願故最後末世愛如是像弘雅經典能持講誦爲他人說令普流布建立菩薩若有持誦爲他人說以是像典勸諸菩薩令學諷誦轉復宣布所以者何若是景模久在天下則佛

正道永長現矣如來常存以是觀之族姓子佛本往世如是方便攝護衆生建是經法以用將養未來俗世在五濁世宣布斯典若族姓子所在郡國縣邑聚落州域大邦如是像典所流布現受持諷誦廣爲人說如是學士族姓子等見佛現在臨滅度時如來遊彼佛則現在行住如法教乃曰見佛聞宣正典順法入道乃曰見佛佛以未曾以法生法以能行法敷演正典不懷妄想倚求諸法則覩如來一切而不滅度所以者何族姓子佛不曾說乎佛者法身若見法者則覩如來莫以色身觀於如來若信正典聞見受持則覩如來

卷一
七

七

七

聞則奉諸法悉無所著余乃名曰覩如來耳若族姓子不見諸法則覩如來所以者何如來至真不存有法非法之辭不當以法觀見如來所以者何如來曾說假引譬喻猶如縛瓶尚當除法況非法乎以除是法非法之行乃見如來所以者何如來至真皆除諸法不宣諸法而有處所也無所興起亦無名號況復講說諸處所乎所以者何皆除一切諸法名字若能順斯如來觀者則見如來也佛本以斷一切諸法乃覩正覺所以然者一切諸法皆虛不真覩一切法本無本淨觀真諦者乃見如來又族姓子不得諸法則無諸法謂無放逸彼無有法亦無非法以無有法亦無非法乃了斯義以了斯義乃見本淨以平等觀乃見如來見法如是則見如來觀如來然見平等覺若有異觀如來至真則爲邪觀已邪觀者則爲虛觀不真諦觀也又族姓子其真諦者消除一切音聲言辭不真不虛亦無

真虛蠲去一切諸所有業悉不復得一切所受乃見如來所以者何如來至真不觀諸法有所生者若令生者以除一切所見諸法乃至自然以解自然如是觀佛乃謂吾等觀佛如是所見若斯佛之所說也如是觀佛皆入一切諸法本無已了一切諸法本無便了諸法一切本無興顯道法分別諸行一切本淨一切諸法歸于本無一切諸法皆如來法也自然入道一切諸法皆以普入如來境界一切諸法界不可議成最正覺故族姓子佛說言一切諸法皆如來界無有境界爲如來界所以者何一切諸法所有境界計彼諸法無有境界則如來界也一切諸法以爲境界無斯諸界乃曰有界所有界者亦如來界一切衆生行無境界而悉曉了真諦淨界雖知是法求無解達如來至真解達如是無所不通是故名曰無有境界也如來界無所有界則如來界也所以者何佛說諸界真諦本未無

持人一

土

校

有諸界乃如來界一切諸界如來界也無界非界分別曉了靡所不達是謂證明無所有界則如來界也唯族姓子解一切法是無境致如來境界樂無所樂是如來界而無所著亦無憎愛所以者何以知無界乃曰佛界故言無有界則如來界用一切法不可得故無有處所於一切法無所著故是則名曰如來境界遊居入慧一切諸法悉無所入故無六門亦無所入所以者何族姓子皆無有門亦無所入則無有見所以者何如來至真不得諸法有所入處也而有所見也有所說者也亦無善惡麤細微妙言辭本末是則名曰入一切法入無有相無應不應一切諸法不精進不懈怠不合不散是乃名曰一切法門曰無名門無言辭門無所入門無所著門無訓誨門無生門求寂然門不以是門可用知法若見法者不以法門能證諸法亦無所出入

所以者何一切諸法皆無有門門不可得一切諸法爲虛偽門一切諸法悉本清淨一切諸法門不可量一切諸法無斷不斷無有邊際故曰族姓子一切諸法悉不可得皆虛無實一切諸法門不可量不可得限其本際門不可盡極無能斷壞得本際者若壞本際真三
松

實之義也若族姓子及族姓女至斯法門悉解達了因得普入一切法門皆能班宣衆生心念時佛復告持人菩薩若有菩薩大士欲以方便解一切法分別諸法義之所趣欲得意力具足成就隨時之宜入於諸法所生之處心無斷絕若以寂定心念成無上正真之道志習入斯比像法門若能遠得是法門先勤學斯法速疾歸附

持人菩薩所問經卷第一

方一

麻苗微反旋似宣反鑑苦愛反甲苦測
度上初反亦作度下徒庠序上音祥行上有度也剖判上此世反弊此世反蠲除俱懸

反 憂亂俱妹反鑑光上元音燈娛樂愚妓
也哀反獻詰上俞歲反明也探土舍反捐繩音飢
枯古音也狐疑多疑故曰狗而矜居陵反合作羣肌肉音膚
域于力棟音伐亦同現胡江沈茂敬書
華亭縣界奉佛信方先力刊方字函持母經于崇清音刊于第卷

持人菩薩所問經卷第二

方二

西晉三藏法師竺法護譯

持施王品第三

佛告持人乃往過去無央數劫加復越是不可計劫尔時有佛號意普王王如來至真等正覺明行成為善逝世間解無上士道法御

天人師為佛世尊其佛世時有八十億垓聲聞衆皆阿羅漢諸漏已盡習學不學阿那含斯陀含湏陀洹亦復如是各八十億垓諸菩薩八十四億兆載集會佛所佛言持人彼時如來壽八萬歲時世有王名曰持施君二萬國民人熾盛風雨時節五穀豐饒萬姓安隱